



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-545-6/23**
Datum: **12.03.2024.**

«Agencija za vodno područje rijeke Save» Sarajevo rješavajući po zahtjevu pravnog lica «EURO PUT» d.o.o. Maglaj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokacije pogona za proizvodnju betona i betonske galanterije u Ulici Bosanska bb, u Maglaju, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «EURO PUT» d.o.o. Maglaj daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokacije pogona za proizvodnju betona i betonske galanterije, izgrađenog u Ulici Bosanska bb, na zemljištu označenom kao k.č. broj: 586, 587, 588, 592 i 593 K.O. Maglaj, općina Maglaj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uvidaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom investiciono tehničkom i drugom dokumentacijom i uslovima iz ove vodne dozvole.
 - 2.2. Dio prostora definisanog tačkom 1. dispozitiva rješenja, na kojem su smješteni objekti i pogoni predmetne betonare nalazi se unutar granica vodnog dobra te podliježe zabranama i ograničenjima na način kako je to propisano članom 12. Zakona o vodama.
 - 2.3. Da korisnik predmetnog objekta, za vrijeme trajanja ove dozvole obezbijedi da se tehnološke otpadne vode sa platoa za pranje miksera za beton, radnog i manipulativnog prostora, nesmetano prikupljaju sistemom slivnih rešetki i kanalizacione mreže, te odvođe na tretman u dva taložnika, sa ispustima u otvoreni kanal sa krajnjim ispustom u rijeku Bosnu.
 - 2.4. Projektom predviđeni separator masti i ulja ugraditi ukoliko Izvještaji o monitoringu pokažu prekoračenje parametra mineralna ulja, a u skladu sa Prilogom 27 Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20, 63/22 i 1/24).
 - 2.5. Prečišćene tehnološke otpadne vode moraju ostati u maksimalno dopuštenim granicama definiranim Prilogom 27 Uredbe o uslovima ispuštanja otpadnih voda u okoliš i sisteme javne kanalizacije.
 - 2.6. Objekte čija je svrha odvođenje i prečišćavanje tehnoloških otpadnih voda taložnici, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.7. Korisnik je obavezan da redovno vodi dnevnik o pražnjenju i odvozu sadržaja taložnika.
 - 2.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. **Monitoring vršiti na 2 mjerna mjesta.**
 - 2.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti

- 2.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 2.11. Talog iz taložnika kao i ostali opasni i neopasni otpad se ne smije ni privremeno odlagati na česticu „vodno dobro“, odnosno u vodotoke i na njegove obale.
- 2.12. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

Obrazloženje

Pravno lice «EURO PUT» d.o.o. Maglaj, dana 01.12.2023., podnijelo je zahtjev za izdavanje vodne dozvole za pogon za proizvodnju betona i betonske galanterije u Ulici Bosanska bb, izgrađenog na zemljištu označenom kao k.č. broj: 586, 587, 588, 592 i 593 K.O. Maglaj, općina Maglaj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 043-0-Reg-23-000773 od 07.07.2023. izdatog od Općinskog suda u Zenici,
- Ovjerena kopija Aktuelnog izvoda iz sudskog registra broj: 043-0-RegZ-21-000842 od 24.03.2021. izdatog od Općinskog suda u Zenici,
- Ovjerena kopija Uvjerenja o registraciji poreznog obveznika izdatog od Porezne uprave FBiH-Kantonalni porezni ured Zenica od 03.05.2019.,
- Dokaz o uplaćenju upravnoj taksi,
- Ovjerena kopija Ugovora o zakupu poslovnih prostora i opreme zaključenog dana 23.06.2023. sa Hajdić Elvedinom i Hajdić Salihom iz Maglaja,

- Ovjerena kopija Zaključka o odbacivanju za obnovu okolinske dozvole (nepostojanje uvjeta za pokretanje postupka) broj: 12-19-12100/22 od 15.12.2022. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Zaključka o odbacivanju u postupku izdavanja vodne dozvole (nema uslova za pokretanje upravnog postupka) broj: 05-21-1057-2/21 od 21.12.2021. godine izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o vodnoj dozvoli za zahvat tehnološke vode broj: 04-21-2-2012/23-1 od 07.06.2023. godine izdatog od Službe za privredu, finansije/financije i razvoj poduzetništva Općine Maglaj,
- Kopija Rješenja o vodnoj dozvoli broj: UP-1/21-3-40-373-6/22 od 03.10.2022. izdatog od «Agencije za vodno područje rijeke Save» Sarajevo,
- Kopija Izvještaja o monitoringu kvaliteta i kvantiteta otpadnih voda pogona za proizvodnju betona «EURO PUT» Maglaj broj: 243/24, februar 2024., urađenog od «Inspect-RGH» d.o.o. Sarajevo,
- Kopija Izvještaja o monitoringu kvaliteta i kvantiteta otpadnih voda pogona za proizvodnju betona «EURO PUT» Maglaj broj: 1158/23, avgust 2023., urađenog od «Inspect-RGH» d.o.o. Sarajevo,
- Kopija Izvještaja o monitoringu kvaliteta i kvantiteta otpadnih voda pogona za proizvodnju betona «EURO PUT» Maglaj broj: 1142/22, avgust 2022., urađenog od «Inspect-RGH» d.o.o. Sarajevo,
- Glavni projekat – vanjske hidroinstalacije – pogon za proizvodnju betona i betonske galanterije na lokaciji III ulica bb, općina Maglaj, broj: 83-IB/10, decembar 2010., urađen od «IBIS» d.o.o. Zavidovići (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-545-3/23 od 25.01.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni pogon za proizvodnju betona i betonske galanterije izgrađen je u Bosanskoj ulici u Maglaju. Predmetni pogon je dio kompleksa koji čine: prodajni objekat građevinskog materijala, uredski prostor, proizvodna hala (nije u funkciji), novo postrojenje za proizvodnju betona kapaciteta 35 m³/h, staro postrojenje za proizvodnju betona (djelimično demontirano), zvijezda za frakcije, radionice, bunar sa pumpnom stanicom, plato za pranje vozila, te radne, skladišne i manipulativne površine. Pogon za proizvodnju betona je ograđen.
- Predmetni objekat je u zakupu. Za predmetni objekat ranije je od strane ove Agencije, doneseno Rješenje o vodnoj dozvoli broj: UP-1/21-3-40-373-6/22 od 03.10.2022. godine.
- Parcele na kome je izgrađen predmetni pogon su djelimično u vodnom dobru uz rijeku Bosnu i djelimično ugrožene velikim vodama rijeke Bosne ranga pojave 1/100.
- Oborinske vode sa betoniranog dijela platoa na kome je instaliralo postrojenje za proizvodnju betona se prikupljaju u betonski kanal sa rešetkom i odvođe u taložnik. Preliv iz taložnika je u otvoreni kanal sa krajnjim ispustom u rijeku Bosnu.
- Otpadne vode sa betoniranog platoa predviđenog za pranje unutrašnjosti miksera se prikupljaju u betonski kanal, te odvođe na tretman u novoizgrađeni taložnik. Izgradnja taložnika je završena u drugoj polovini 2023. godine. Preliv iz taložnika je u otvoreni kanal sa krajnjim ispustom u rijeku Bosnu.
- Oborinske vode sa drugog dijela manipulativnih i radnih površina od nasutog materijala se slobodno slijevaju na okolni teren.
- Prečišćene vode se na dva mjesta ispuštaju u recipijent – otvoreni kanal sa krajnjim ispustom u rijeku Bosnu.
- Snabdijevanje vodom za sanitarne i tehnološke potrebe je obezbijeđeno sa vlastitog bunara. Za zahvat vode je ishodbavana vodna dozvola od nadležne općinske službe.
- Monitoring otpadnih voda se vrši redovno. Na uvid su dostavljeni Izvještaji o monitoringu kvaliteta i kvantiteta otpadnih voda, urađeni od «Inspect-RGH» d.o.o. Sarajevo.

zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Nakon obavljenog uviđaja, utvrđeno je da se prečišćene otpadne vode ispuštaju na dva ispusna mjesta, a monitoring je rađen samo na jednom mjernom mjestu, te je dopisom broj: UP-1/21-3-40-545-4/23 od 02.02.2024. od korisnika je, u skladu sa članom 12. i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), traženo da dostavi Izvještaj o monitoringu kvaliteta i kvantiteta otpadnih voda za ispusno mjesto broj 2, što je i urađeno u ostavljenom roku.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «EURO PUT» d.o.o. Maglaj, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-545-2/223 od 09.01.2024.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Sanja Miličić, građ.inj.

Po ovlaštenju
Rukovodilac sektora za izdavanje vodnih akata


Marko Ališehović
Marko Ališehović, dipl.inž.građ.

Dostaviti:

- «EURO PUT» d.o.o.
Poljice bb, 74250 Maglaj
- AVP Sava, ISV-vodna knjiga
- sektor 50
- ⓪sektor 40 – arhiva
- oglasna ploča – AVP Sava